

旧谱序 文卿公谱序

家之兴废何常，惟有德者赖以永存而不坠耳。余生元壬寅，伯梦祥字子云，号云山，生于宋季己未。父梦桂字子岩，号扑翁，生于宋季甲子。兄林逸生于元己亥。仲兄道隐生于元庚子，弟善卿生于元甲寅，窃余自十五、六时，颇志于学。及长博览群书，一日族侄正五者，得修罗志云：名士中吴迈与焉，余闻之因究谱系之存亡，而四弟庆孙乃操破阙旧谱谓余曰：吴氏从思道以来盖十有五世于兹矣！及七世祖勋迁湘阴桃林又为一代始。则至今九世，元之壬辰干戈兢起，兵燹之后此谱亦屡藏屡失，一日扫柜尘忽得之板窟中，予曰：此盖祖宗之灵默，有以慰吾初心也！捧阅之不禁泣涕交流，族之存者能几何哉，易有云：积善之家必有余庆，积不善之家必有余殃。呜呼！族之衰也！毋亦世道之衰。民生横逆不守恒心之所致欤。后之子孙览此应亦心寒胆慄，若之何其不以修德为务耶。余与侄存旭重镌于辛丑岁（注），故作此序云。（注：元至正辛丑即1361年）

十五世孙文卿号南村

南村公谱志

壬辰兵兴扰乱荆湖，五年之间族之存者百中一二，如椿位下只存己九郎父子二人，明二郎父子三人，明六郎、明七郎一子。如松位下，桂华、桂发、桂高、桂芳子孙俱无法考查，梦桂位下四子：和卿、寿卿、文卿、善卿。如圭出赘临湘，如璋只余福二郎一子曰存五郎，和尚桥位下荣二郎二人，族之少长死于兵、死于疫、死于饥馑露暴者多，葬埋者少，深可痛哉！季兄偕兄仲孙，持月素诵经，弟庆孙任招安千户，亦持斋诵经，五年之间，得以苟延性命者，家存四十余人，是皆天地神祇，祖宗功德之所及，未审嗣后子孙，天意若何，或者得际明时，复谨见圣君之治，为盛世民当酬天地之大德，报祖宗之庇荫，尚副所期不胜万幸。

时大元丙申孟夏二十八吉
季孙字文卿号南村敬志

注：（南村公即文卿）

必显公谱序

吴姓自季札受封，得号延陵，后世遂名天下焉！但源流高远莫考，仅从唐季思道公系之奉为始祖。僖宗时公官寓洪州节度，生天伸、天佐、天佑，天伸为婺州刺史转节度使奉命出镇荆湖。庄宗移梁祚，偕昆季归隐侨寓长沙杨林山口，迨及有宋，天伸之后居湘阴铜盘、金堆，天佐之后居平江田崖、醴陵峡上，天佑之后仍居长沙杨林，子幼相生子光业，任两曹尚书郎，封银青光禄大夫，业生世弼、世福，福生用轲、用基，轲生勋、樵、焘、杰，勋生文肃、文惠、文坚。勋于宋景佑丙子迁湘阴洞庭东山，爱山水之胜居焉！勋祖官名扑登皇佑元年冯京榜第^①，显名于时。樵登莫俦榜第^②为朝散郎，生子嘉之、采之、舜之，嘉、采俱登宣和六年沈晦榜第^③。文肃生子士盈，文惠生子士儒，文坚生子士维、士隆。士儒官名迈，号晋卿登绍兴九年黄公庆榜第^④。士盈生子守锦，士儒生子守端、守意，士维生子守清。守意任建康盐池推官。端生如山、如渊，意生如椿、如松、如洼、如璋。渊子九万生铭，铭曾孙正五有文学迁巴陵山。椿子孙弗传，如洼出赘临湘，子孙未注，如璋无传。仅如松生五子，惟九鼎生铨、镗，铨生子梦祥、梦桂，祥字子云、号云山，桂字子岩、号扑翁，生子四：长曰仲孙字和卿号林逸，次仁孙字寿卿号道隐，三季孙字文卿号南村，洪武十年举明经科，任本县儒学训导。四庆孙字善卿号梅轩，元末壬辰红巾乱起义兵任招安千户。迨我朝遂析户为四焉，各居富庄塘左右立业。自七世祖勋公迁桃林时，迨今几五百年，勋为百世不迁之祖，又以勋为一代始矣。吴氏家世源流宗派其系如此。余与弟俱仕归林下，一日阅旧谱见其混淆，遂共编辑重修，悉依欧阳文忠公之制，旧者因之，错综者正之，耳目弗及并遗逸者斟酌稽考，修订成帙。自十四世梦桂公上因其旧而序录，以备稽考。自梦桂公下因祖分注、各系其属，列其行序、书其名讳、定其尊卑位次，绪目虽繁、而祖之源流其出合一焉！俾后世子孙观此，由始祖一世以至十世、十世以至百世千世，因末求本、溯流穷源、先后脉络则尊卑之序、亲疏之等、丧服降杀之制、昭穆祧弥之仪岂不晓然可见哉！呜呼！物本乎天、人本乎祖，固而末茂源深而流长，理固然也！吾祖善积厥躬、庆延来许，吴氏子孙、后先相望，人称其盛概可见矣。自今以始后嗣克昌，各房宗支绵衍无穷。有贵显当时，流芳来叶，尚将追寻芳躅，踵步前休，守宗规、执家范，作修继美之功，予又不能不望诸后人焉！

十九世孙必显

^①冯京榜即状元冯京名号张放的皇榜上所中进士称为登冯京榜，^②、^③、^④均为状元名号，其意同。

邦韬公谱序

国有史、家有谱，皆所以溯本穷源示信纪实，昭穆尊卑所系，亲疏长幼所关，谱之时义大矣哉！是故作于迁徙之初者固急，而作于繁庶之日者尤不容缓也！盖南辕北辙、万派千枝、非纪之于谱将奕叶而遥茫。乎不知前代所自出，其不等祖宗于秦越，视至亲于路人。不知谱之作曷可缓耶！吴氏宗谱元有文卿公继叙于前，明有必显公重修于后。凡夫安厝佳城，生辰忌日与有善可书，有行可纪，暨封赠之着，品秩之荣，莫不犁然毕具，俾后世观览者了如指掌，自时厥后万字派而下，从子至康迄今十世有一，由明及清历年二百有奇，竟无南起而续之者！呜呼！文献不足，世远牢湮，即得之传闻有信而复疑，过而辄忘已耳！后之人虽切追祖溯宗之心，其孰从而求之，此祖若宗不无怨恫于九原，子若孙不无抱憾于今日者。韬生不辰、年十四而先人见背，惟其克绳祖武，为急厉强仕始获补弟子员，每忆家乘厥修，惶然抱歉，先是房叔大育者有志修谱，无何年届耄期，事半中止。至壬子科房侄成能领乡荐，因念先德难忘，追寻谱牒每叹旧章残阙难以传远，爰决志续修，又因春闱伊迳、公车北上、心力实无余闲，遂委任于余，余为舌耕所羁，兼才慚资浅，辞：不允，而族之父老同然一词势不可却，甲寅冬始约族人齐会于东塘之梨树坡，旧属和卿公居址，议作公所，同时纂修者有叔祖道立，从侄孙德远，集录者有大履、邦九、邦羽、成通、成魁、成熊、成禹、成育、成炽、德铭、德迈、安权等，各踊跃从事，不一月而草谱已就，因岁歉费艰姑缓几载，再加斟酌，又得于先后失序，可稽者正之字讳之同。可更者改之寒暑不畏，劳苦勿辞，越戊午始得授之梓人。又赖叔祖道极者与之同心协力，所斗字费色旧谱议银一钱，全谱字数十万有余，所费不下百金。值剗告成检阅一遍，因叹源流支派井然不淆，方知万壑千溪、同源星宿、层峦叠嶂、俱本昆仑，后之有志者知所观法矣！夫吴之受姓荒远者姑勿深考，近自思道公及今其递传弥盛者。曷故揆厥所由，皆从孝弟以敦其源，忠厚以培其本，故能绵绵绳绳保世滋大，后之人相与劝而勉，积德积学、毋刻薄以损天真，毋骄傲以伤族谊，毋晏佚以堕家声，则宗谱之传自有率乃攸行，相续无穷者矣。外有仕宦录及前人条教，几经兵燹，韬不揣固陋，妄为补辑，深愿后之贤达是训是行，毋视为兔园册子焉则幸甚！

二十七世孙邦韬

嘉庆丙辰续谱公序

在昔周官有外史掌纪四方之志，后世因之遂有郡邑之志，世族因之而有

家乘，皆所以溯本穷源，昭信纪实，俾后之观览者知所由来。家之有谱犹国之有史也。本宗自姬周封姓，由季札得号延陵远矣勿注，唐僖宗时始祖思道公为洪州节度使，侨寓南昌西门铁树观外，迄宋景佑丙子勋祖由长沙杨林山口始迁湘阴洞庭东山，爱山水之胜而居焉。自是而遥，越宋而历元季，十匹世中兴之祖子岩公笃牛四卿，各居富庄塘左右立业，自明初庆衍于兹，绵绵绳绳，多历年所矣，而谱系之条分而缕析者，幸有十五派文卿公搜集于前，十九派必显公重修于后，至我朝又有二十七派邦韬公续修编辑，源流支派了如指掌，后之有志者知所观法耳。而其间登贤书、名甲榜以及膺岁进而掇泮芹者，后先济美、代不乏人，世称桃林吴为古名宦世家，盖有所自前人之述，详矣无庸复赘，夫莫为之前，虽美勿彰莫为之后，虽盛勿传。由乾隆戊午以迄嘉庆丙辰，又已历五十余年矣，子姓之浩繁、地居之辽隔、惧其散而疏也，不仍其旧谱而续辑之，则散者何以聚，疏者何以亲。爰于丙辰春月合族共商，俱有同志夤稿付梓，不一年而功已竣，千枝万派泉源可合。由始祖一世至十世，由十世以至百千世，因末求本、溯流穷源，先后脉络晓然可观，伦序辨、昭穆分，宗谱之传应相续于无穷矣。呜呼！物本乎天，人本乎祖，非我祖之积累深厚，赖其余庆，曷由递传递衍、保世滋大，以至于此，后之来者披阅旧章，追思世德，步后尘以绍前徽，则衣冠文物之盛，其相继而起者当复何如也！是为序。

道光甲午续修序：康柱

礼始敬宗，书先亲族，故宗经代远，敬之则莫如建祠，族既枝繁，亲之则莫如修谱，本宗由唐、宋而来，历年计有千百矣。自元、明迄本朝，编修已经三、四届矣，至今道光甲午，视嘉庆丙辰又三十余年，人丁繁衍不免迁离，安厝佳城何能数记，迩年来族尊、族长每临冬至，动以修谱是商，爰道光五年族叔成祉、德组、叔安云谨慎自持，以为族许，因公举凤凰山、宗祠诸务管理是承，柱得附其骥尾，上年癸巳合族父老同然一词，又以修谱举而委余董其事，窃学浅才疏、任重责大、惶然不敢当，既而势不可推，操旧谱而细按，幸元有文卿公搜集于前，溯本穷源，其作于迁徙之初者，既信而有徵。明有必显公重修於后，序定本支、箸详明宦，其渊源之远、发祥之长、炳耀於唐、宋、元、明间，洵有所自，至我朝有邦韬公续修於乾隆戊午，立子分提，道派各系其属，各立其行，脉络分明、了如指掌，立意赅而当也！立法详且尽也！此其构虑苦思，既费前人手笔复何末议可忝，嘉庆丙辰又得

胞伯父讳宾者，四修编辑，定思道公为一世祖，证朱子以知确者为始后，固可无二三，且见新裁别出，每从篇前落分书派，尤易稽查，何其善也！前人导其先路，余则步其后尘，从而添载，加以斟酌细密焉耳一。则又何功之有，尤赖有邦韬公侄孙德嵩潜心家学，相与共修，彼其笔下精详而差讹可无虑者，诚继起有人矣，兹当谱牒既成，牖列其所起，癸巳八月会议、九月稿交余与叔祖嵩在家商定，冬至费齐，甲午三月付梓兴工，六月告竣，其功之速也，非有族尊族长踊跃从公，则费何以给，非有余四人经营合志，则任何以分费给任分催工课绩，不数月而告成也。亦固其所此，而欲归功於余四人则不敢受，进而归之族尊族长，实而归之我祖若宗，积德累仁、克昌厥后，故人皆肖子贤孙，群切追宗溯祖之意，继继绳绳於以保世而滋大也！是为序。

同治丙寅谱序：安宝

同治五年，岁在丙寅，二月既望，会于富庄里之大宗祠，为修谱计也！建斯议者已二年矣，阖族父老欲余董其事，余为舌耕所累，屡次辞谢，既而敦请不已，知义不容辞，遂承其乏焉。是役也，倡修首事，则有族德茂、安授、璧硕辅、安志、运贤、侄康洪、亦得从乎！其后是皆清慎勤劳，公正自矢者，遴选协修，如德初、安篙、安惠、康诰、康喟、运员与男康汲之数人者，缮写工整，考核详明，采访必确，校对无讹而录稿齐，各房长力居多，余不过坐镇以总其成，於异姓混宗者锄而去之，昭穆塌等者厘而正之，及一功例式规条略为更定，错讹遗漏稍加添改，载诸凡例，彰彰可考，人任其功，余任其过而不辞，人任其劳，余任其怨而不惜宜，大圣之作春秋，有知我罪我之叹欤，兹既脱稿，将付之剞劂矣！有问序於予考，应之日：予族之谱修之者已经五届，其作序者不下十余篇矣，悉皆前人手笔，未赏求赠於外人，盖前人皆积学能文之士，其所为穷流溯源昭信纪实者，莫不抽秘骋妍，琳琅满纸矣！余欲拾其唾馀以效顰而续貂，固在所不必，欲别为创论以争奇而斗捷，更有所不能，念余今日者年已七十矣回忆少壮时始而就傅乡邻，继而肄业仰高，从游城南、岳麓，历名山讲席，方欲与登贤书捷南宫者，入国史馆得窥才学识三长无如，虽补弟子员，食廩气质於棘闱者二十余年，仅列明经以终老於蓬门，借家乘之修，作小引以昭兹来许，抑亦末矣！而或以数典忘祖，昔人所讥我祖，自季札得号延陵，荒远难稽，唐之时有思道公笃生三杰，宋之时有扑翁公特育四卿，其间之居显官、掇巍科、登甲榜、领乡荐、膺岁贡、以及游泮水、列成均者，代不乏人。盖祖宗之所积累者厚，

斯子孙之所阅者长，将人丁鹊起，科甲蝉联，正未有艾，为后嗣者既以食旧德，理宜颂先芬，庶家乘、修家规、立家法、严家纲、肃家道隆，而家声为之丕振矣！

光绪甲辰续修序：运璋

谱自南村公肇修於元至正辛丑，又一百五十七年明正德丁丑澍亭公再修之，又二百二十二年本朝乾隆戊午武谥公三修之，厥后四修於嘉庆丙辰，五修於道光甲午，六修於同治丙寅，元明谱无存者，其叙例幸犹具戊午谱，丙辰、甲午谱，仍戊午而为者，详及世次与葬地，而生卒或略焉，丙寅谱加详矣！然订正多，而讹误犹有未尽，乾嘉之际、文士叠兴，桃村公以宿学，司纂辑宜有以文前之简陋，而丙辰谱无述焉。盖是时公七十矣！抑其风之习，於朴而不华者之足以相安也！若夫捍卫宗支、区别淆紊，百年来得依据为去取者，则戊午谱例唯严，而武谥公之功为不可泯。谱纪世列事之书也！史迁世表、世家之作，称本周谱，欧阳永叔讥其不能阙疑。永叔精谱学，而其唐宰相世系表亦蒙不善阙疑之议，则夫末学忽近图远，知不足以周其身家，妄欲拾唾余以褒美其先世，而传信将来者，则奚以为灾。士不幸而生晚，近以语于博古通今，固急当务而难能也！要其于身世必有所以存者焉！于俯仰晋接之交，原本其所自以，推及其亲，极维持系数，至于数百年之久，百数十‘里而遥见，可知而闻可道者，以当然而证其无。或不然而靡勿信焉！信矣而靡勿纪焉。上之足以兴起而观，其次亦不致数典之羞，谱之事如是而已，南村公有言：览此亦应心寒胆裂，何不以修德为务。间赏持似续无己之思，以观于分合盛衰之故，而益叹前人所须于后者，其继事诚不可诬辄变通旧例，为表志传训，考之属并世系，都四十五卷，谱迄今而七修矣！求诸心所自慊，则犹病未能彰传盛，是用惶然，揆厥指归。

中华民国甲戌续谱序：康璞

吴氏自江右来长沙，至七世勋公迁湘阴，实为我桃林吴开族之始。然由唐而宋，虽传人叠起，而谱无存焉。迨元明之际，南村公及树亭公先后手订而两修之。顾其时治乱来常，序仅存而谱复散佚。清乾隆戊午武谥公出司纂辑，而嘉道同光之谱，遂有所本焉。故甲辰谱谓捍卫宗支区别淆紊百余年来得依据为去取者。戊午谱例维严允矣。夫世次明而后宗法肃谱之贵传信而阙疑也。有以哉，自后世不善阙疑，辄欲孰传闻未确之说，

以示信将来，往往真伪相淆，有下马拜他人之墓，而非种误，为同姓之亲者惟参考上下数百年间，旁搜远引，以徵其所信，而辨其所疑，一编之中，审慎而三致焉，不欲稍为苟同者。甲辰谱较戊午谱又上之。兹所之编甲戌谱，亦仍甲而为者。问当论之，纪世列事，谱之所以为用也，元明以前无论已，自元明以来，逮清之累稷，其间经数公之编订而详略固殊焉。盖亦时势迁流者。然其及于今，中外相持，连年困于兵燹，又重以水旱流寇之灾，户口之存亡，闾墓之远近，与夫生卒年月日时，不有以统计。而纪其实，则他日之盛衰离合，不知将又奚如。南村公亲应其境，而先有见于此所为，心寒胆慄，而以修德望后人也。虽然谱之为教上师麟经之旨，可者笔之，其不可者削之，寓褒贬于惩淫劝善中示人修德至矣，而以恐虚文以为饰，无以动人观感，束人筋骸也，故论世以别其序。因系以聊其情，务使敬其所尊，施及于所不敬。受其所亲，施及于所不爱，油然而生其孝悌之心，皆修德之事也。德修则本立，本立则道生，参赞经纶，实出伦常。日用均平事业，胥原诚正修齐如登高，然必自卑如行远，然必自述。有推而行之裕如者，此谱示人修德之意，而凡执笔者之所期望于斯也。谱至甲戌而八修矣，后之视今犹今之视昔，有继此而为之者，即八修以求合，甲辰之七修，参稽而互证焉。虽极之百世可无貽数典之诚也。若夫彰美传盛，收获敬宗润色以文，今之固陋，是又在后之君子。

钧公世系世次源流原敍

长江发源岷山逶迤七千余里而入海，巨河发源积石曲折三千余里而抵龙门，凡以源远者流自长也，我吴氏宗谱天潢派演年近万禩，而从流溯源肇自轩黄，五世后稷，粒食蒸民利赖万世，封於有邰入世，不窟失官因夏之衰不务农业而自窜於戎狄，十世公刘复修稷业，民歌殷富，狄仍侵之，播迁邠邑，自邠以来十有六世，至於太王，狄仍侵之，於是来朝走马去之岐下居焉，太王三子，长泰伯，次仲雍，次季历，则国宜泰伯者也，因季历生子昌有圣德，太王遂欲傅季以及昌，而泰伯知之，既偕仲雍假采药而逃之荆蛮，德盛人归，蚕从保障遂成勾吴，以上姬姓，渤海郡始此，自是立国，而后傅至寿梦，凡二十世通於中国，国大称王，寿梦之子同母者四，季札幼而賢，兄弟皆爱之，不欲傅子而傅弟季札，屡让不就，去之延陵，遂号曰延陵季子，渤海郡止此，延陵郡始此，按其生平行附子臧之節，劍掛徐君之墓，觀樂而名重宗邦，贈帶而声施郑国，篆墓碑而德标尼父高风不有足千古哉，遞至伯芮封长沙王，又自延陵以来盖四十六世矣，芮公以后

凡四世生恕公字思道，唐咸通中为洪州节度使，家住江右龙興既今南昌，生天伸天佐天佑，伸任婺州刺史转节度使，莊宗移梁祚，寿命出镇荆湖，昆季遂橋寓潭州既今长沙，至宋时天伸之后居湘阴銅盆金堆，天佐之后居平江田崖，天佑之后居长沙杨林，山口，佑生幼相相生光業任尚书郎，兼理两曹尚书封银青光禄大夫，業生世福任铁骑都尉武军光泽令福生用轲轲生勳，樵勳进士，宋景祐三年迁湘阴桃林，生文惠樵登莫俦榜第为，朝散郎生嘉之采之，宣和六年俱中沈晦榜第，文惠生士儒名迈，绍兴九年进士，生守端守意端生如困。意任建康监池州判生如松如珪如璋，困生九万万生铭铭生应源，源生卿材，卿材生正，五五即本邑曲尺塘伏九少祖也，松生九齡，九鼎，齡生钧字千驷，即我少祖居大东塘是也，鼎生铨，生鎰，铨生梦桂，号樸翁，即湘邑桃林少祖居小东塘是也，鎰生桂高，桂发，高子孙居本邑军港，发子孙居本邑青冈地方，如珪出贅临湘蒋山胡宅，如璋生九佐，佐生镇，镇至正七年登乡榜官至绍兴太守，生孟五，五生福一，福二，居本邑下河塘，均处士生桂华，子华，子敖，子禄，子富，子贵，子华生志星，志旻，星子孙居冯家塘，江家园，罗家坡，官冲，双冲，蔡家坡，新屋场，山廖冲，湘阴岐山街，旻塘桥头冲，唐家冲，西屋张，大斌邹家冲，及湘阴花桥卢家冲，敖子孙居三唐不叙，禄子孙居桥头屋，艾荷塘，湖道清，李家冲，齐家门，上下屋，富子孙居楼對屋，彭家崙，其海屋，八仙桥。贵子孙居晓里冲，吴司农，一派相传，悉本旧牒时，族虽繁不漏，非亲即宦不收，但思道以前历年數千势南彙叙，畧举封国，就邑大纲，思道以后名宦官勳，及遷移名地備詳紀載，俾後之循流溯源者，一覽而知世紀云耳。

光緒三十年甲辰歲冬月

原序

家族主義者視政治為轉移也，處君主時代多採取狹義的主張，處民治時代應注意廣義的趨勢，前人以不收族為天經地義，每修家乘爭訟橫興，損財產失雍睦，亦在所不惜，是以一脈流傳之族隨因編甲柝而為二，然亦不外意見分歧及宗旨不同，為一大原因，查嘉慶九年兩族齟齬，道光二十九年又起糾紛，自是咸欲，另建新祠，至咸豐六年新祠成矣，既分而團體亦遂分，而不复合矣，雖譜事未曾單獨行動然貌合神離，實際上已不一致，前屆總纂大學公敘述既畢，乃曰吁難矣，可以想見當時之情狀焉，甲戌之春勝一勝二諸首士於老祠會商續修族譜，愚擬採用適合潮流的廣義，不料事與愿違，未邀同意，既前屆午橋庶田等所收之板橋族姓，亦不獲圓滿論調仍然狹義的主張，彼此齟齬，各行其是，而分叙之議亦由是興焉，

夫谱所以序昭穆也，以注重嫡派不紊乱血统关系为主旨，我吴氏系出延陵支分派别，何处不有我族姓也耶，溯其渊源历史可考，独不念偕行伯仲亲乎，奈何示人不广耶宗旨，既不能合谱事自不得不分也，幸同事诸公努力工作，不数月既行告竣，然则合与分固无足轻重也，试观三湘同源之族亦何赏同祠合谱乎，而果不可也，则我先辈似不宜脱离桃林发祥之地，分而果无关系也，则实事求是而已，又何必侈谈合叙之荣也。

裔孙敬之谨识

中华民国二十五年仲冬月

第三续《谱序》

谱之贵于续修者，何也？盖莫为之前，虽美弗彰；莫为之后，虽盛勿传。凡事类然，而谱为较著，思夫人生。族姓蕃衍，累百累千，溯而上之，莫不共此一祖。若木之有本，根而分支，布叶层见，叠出以并茂；若水之有渊源，而派别条分，潏洄曲折，以周流所以。序其昭穆，纪其世次，祥其生平之德行、道艺与其歿后坟墓山向，胥赖谱以誌之诚重事也。乃阅世生人，阅人成世，户口既繁，贤达兢出，不数十年，而所谓睇来仍云，不知凡几更所为，殊尤卓越，又不知凡几辈矣。故续修尚焉。其在诗曰：以似以续，续古之人，盖子孙绳绳，凡以为续也。故生民之诗，追叙周人，所由生之始，而系其诗曰：绵绵之又绵皆续义也。此可以得续谱之旨矣。我吾氏祖，自受福公由江右南昌府南昌县迁居巴邑之涪港，谱牒相传由来已旧乃更，上究本源，肇自黄帝轩辕氏，迄于太伯，凡二十五代，始以渤海名郡。自太伯至季札，十有九代，乃以延陵名郡。季札又四十四代至兢公。兢公又六代至天佑。天佑又十代至九龄九鼎。九龄子孙居巴陵大东塘，九鼎子孙长居青岗驿，次居涪港。受福公也，受福公与九龄之元孙志星公，乃从堂兄弟，因住居各迁而派名亦别。志星以下派从“水”字起，受福公以下派从“添”字起。道光丙申，族斗寅伯、翠华兄至东塘吴氏询及派代，匀系十二三四。然则我族宜以受福公为始祖。更溯自轩辕，以迄今猷派，盖一百有三代矣。

国朝乾隆年间，閤族叙谱，远脉近支已及详考，越至今重修，其事已登者，因之后起者，补其子子孙孙，承承继继，如绳贯如丝联。盖自有此续。而家乘乃完然，其大备矣，抑余更有进焉。为人子孙，上续其先祖，非惟是绵世系，奉禋祀以延无穷，而已要必思此身为何人之子孙，乾乾汲

汲，恪守典型，无坠令绪，然后显于当时，传于后世，使人人皆得耳。而目之曰：某氏祖犹有裔孫某，若而人，某氏孙某饶有某几世，祖风其斯，乃真可光前，真可裕后，乃真为能续古人也。余不敏，猥以续修宗谱，为责所不容辞。窃意余世而后，必复有贤者能者起，相继续集，续续相因，庶共期无忝祖，无得罪于古人焉，则吾之所厚望也夫，是为序。

道光十六年丙申岁仲冬月吉日
裔孫愚溪氏耀彰敬撰

第三续《重修谱序》

闻之本乎，天者亲上本乎。地者亲下，是飞潜动植类，虽不一，未有不亲其本者也。且读唐虞之书，有曰，以亲九族，慎微五典。读夏商之书，又曰，彝伦攸叙，肇修人纪。重民五教，以知二帝三王之治天下，其道虽大，亦未尝不可以亲亲为急务也。然亲亲之实固在本支，昭穆之各尽其道，而亲亲之法又在本支，昭穆之不混其分。欲本支昭穆不混其分，尤赖前辈与后生考核详明，载辑周密也噫！凡族大人众之家，其于谱重，典不可不修也。明至我吴氏祖，上自轩皇、后稷、公刘、中至泰伯、仲庸、下及兢公、隐之与受福公，圣贤迭出，历传相传一百有八，后之人无难因本而知其支，由昭而推其穆者，岂非以谱牒现在可考而得哉！自受福公与堂兄大东塘志星公分居，择处于此所迁之地，既远而所立之派亦殊，故志星公之后取派为“永”，我福受公之后取派为“添”，由是日复一日，同姓之称呼各异，世复一世，而一本之尊卑亦混。乾隆甲辰岁，虽有族叔祖孔老为之补修于前，值此支分派异之时，苟仍袖手而不为之编辑，再越数世之后，必至以本为支而支非真支，以支为本而本亦非真本。又安知其孰为昭孰为穆哉！吾为此惧，爰禀族长挽会至诚，照丁起资，续修是谱，与祖宗稍远者而录载之子孙之派，异者而查明之，庶本不失其为本，支不失其为支，即昭与穆亦得知其位之所在，而不至有混，而后孝子慈孙怀抱追远之意者，爰有差等，施由亲始扩而充之，不惟为子为孙之职尽，于帝王之道不悖，于万物之情也顺矣。

道光十六年丙申岁仲冬月吉日
裔孫玉山氏斗寅敬撰

受福公谱序

荣湾湖村，岳阳县城北之福地！西濒洞庭湖，襟带新墙河，长岳公路纵贯其中，山环水绕，绚丽多姿，境有仙踪遗迹，堪称湘北明珠。物产富饶、风光秀丽、历史悠久、地灵人杰。吴氏家族受福公支系居于此，经六百余年之发展，人丁兴旺、叶茂枝繁，科甲蝉联、人文荟萃，经济繁荣、村容整洁，高楼鳞次栉比，湖光山色交辉。和谐安乐，欣欣向荣。受福亭彰显先祖之功德，八仙桥接连南北之畅通。水上乐园欢乐城乡之大众，大爱中心凝聚家族之人心。城乡一体，万物峥嵘。

受福公乃桃林吴氏之支系，开基祖勋公位下八世裔孙。为避元朝末年之战乱，随父桂高徙居巴陵。先于军港开发创业，后迁于此毓秀鍾灵。以其名讳著称于世，后即乃为吴受福门。历经明、清、民国至今，六百余年沿用其称。子孙深受福泽，地域溢彩流金。世以农桑为本，钦承至德精神。人才辈出，代有名贤，永荷栽培之泽，长继世族家声。虽六纪中断联系形同陌路，然谱载源流详尽缕渐条分。螽斯庆衍，泽绪延绵，雄踞巴邑，驰誉三湘。为地方望族，光吴氏门庭。

丙申仲秋，乘《巴湘吴氏志》汇编之东风，齐集起阖族之宗贤精英，顺应时代潮流，弘扬至德高风。欣然回归桃林吴氏，溯源先祖发祥之脉络，探寻先祖创业之遗踪，合族联宗，参修谱志。共谋家族发展大计，谱写联谊宗情之新篇。升华优秀传统文化理念，促进中华民族伟大复兴。创造丰富物质财富，光大靓丽人文景观。显万千气象！葆永铸荣光！明珠为洞庭生色！璀璨替巴邑增辉！赞云：

荣湾毓秀耀洞庭，仙踪惠泽玉宇清。
枝发军港箕裘衍，源溯桃林根脉深。
六纪春秋光祖德，万千子众箸人文。
更喜今朝开景运，祥光普照受福门。

玖胜字尚清
丁酉岁清明节敬撰